



't Allerbeste veur 't Niejoar...

Ter es gienen dag veurbijgegoan of ter was den ienen of den andren die an mijnen teelefoning om te vroa'en wannier da de nieuwe *Kleppe* nui gong verschijnen. 'k Zal 't ulder ne kier uitleien: *de Kleppe verschijnt oas't past*. In prinsiepe minstens vier kier in 't joar. Oaster sens es. **MOAR 't er es gien sens en gienen sponser... 't es vrie spijtig en dus stoa main pitse en mainen moral nogal liege!**

Doarbai vertelt gulder mij nui ne kier wa datter in ons durpke gebeurd es de loatste moanden? Niet de kl... Proxifredse kan iedren dag mee zijnen sekretoaris "*nonkel Bob zain paleis*" goan uitkammen op zoek noar mankementen en intussen ne kier paizen in wa stroate dattee neu nog ne kier parkeerplaatsen kan afschaffen en nog wa buumpkes, bakskes en ander groen spul kan plasseeren. Of... nog un stukske grond afluizen veur "het buiten de dorpskom parkeren" zonder in zijnen zak te moeten tasten en mee 't spoargeld keststallekes zonder lampkes kuupen. 'k Weete dat da ollemolle mee un goeie bedoelinge es. Nog un sjanse da de kestmort goe was, grâce à Seskootse zainen gruuten inzet!

Nog iet: t'es ezuu un spel geweest veur die veelooboane, moar de mieste, velomaniakken, gelijk *Gietse van de Plastiekduuzen*, loatten die schuune realizoassie van *ons en ulder Gemientewelzijn* links en rij'n mee veel zeste op de boane. 'k Zoe op den duur moeten peizen dan d'ottos de zwakke wiggebruikers geworden zijn!

KAFFEETS

Hiel wa kaffeegangers vroagen ulder af woar da Birke de Kleppe zit. De kaffeeboazen paizen verzeekers dattee ulder gienen Euro nie meer jonkt. Dad es ollemolle trut. *Kleppe* stoa op regiem. Ee es an 't roesten van al da woater dattee moe drinken. Ee un ee uuk gien goestinge om bai un poar tuughangers mee un stuk in uldren meulen te stoan lullen oas-tee bloe nuchter un stapke in de weereld zet. Ezuu estee in un brokke "sosjal izollement" gerakt en verliest ee nen uup moatten. Moar da komt wel were goe!

Sosjal angazement

Nog drei moanden geduld en 't Ocmw ee **weederomme** ne nie'n veurzitter! Nen echten Loatemeere die dedjuu in zijnen tijd vrie veel vrouvolk zotgemakt ee en 't nog oltijd schijnt te kunnen... In primeur krijgde van mai nen fottoo van *Polleke Stoofhout* in zijn gloriejoaren mee zainen boezemvriend *Gietse*. Oas ge goe kijkt kunde em nog erkennen (Polleke, ee). Ee un es nog nie veranderd, zuust wa grijzer en wa mier rimpels gekree'n en oasek zain omgevinge moe geluuvn ee't ee uuk un beetse "selectieve duufheid" en zit ee nogal op zijnen portemonnee. Gelijk eet ee. We leven in moelijke tij'en en spoaren es un goave...



In primeur: Polleke Stoofhout, Ocmw-voorzitter in 2004!